

SCRIPT OF EVENING GOJRI NEWS BULLETIN 2 AUG 1700 HRS

اونینگ گو جری نیو ز بلیٹن مو رخہ 2 اگست 2025

یوہ آکا شوانی جموں ہے طارق ابرار تے نصرت چوہدری تیں خبر سُنو۔

HEAD LINES

□ اوزیراعظم نریندر مودی نے وارانسی ما نہ 20 ہزار 500 کروڑ روپیاں غی پی ایم کسان کی 20 ویں قسط جاری کی، جس بچوں جموں و کشمیر کا 8 لکھ 80 ہزار کساناں ناں 184 کروڑ روپیہ حاصل ہواہیں۔

۲۔ مرکزی وزیر تعلیم دھرمیندر پردھان تے لیفٹیننٹ گورنر منوج سنہانے سری نگر ما نہ چنار کتاب میلہ گوافتح کیو تے جموں و کشمیر کا علاقائی ادب نابادودین ورزوردتو۔
۳۔ شری امرناتھ جی یاترا 2025 شدید بارشاں تے رستہ کی مرمت کی وجہ ناں 3 اگست تیں معطل رہ گئی۔

۴۔ سلامتی دستاں نے کولگام ضلع کا اکھل دیوسر علاقہ ما نہ اک جھڑپ کے دوران 2 دہشت گرداں نابلاک کردتوہے۔

گے تحت 169 گرانیں سڑک تے 15 پلاں کی iii۔ 5 جموں و کشمیر ما پی ایم جی ایس وائی۔ تعمیر مکمل کی گئی ہے۔ گرانیں رابطہ پروجیکٹاں ور 1 ہزار 5 سو 80 کروڑ روپیہ خرچ کیا گیاہیں۔

PM KISAN

وزیراعظم نریندر مودی نے اج پردھان منتری کسان سمان ندھی غی 20 ویں قسط جاری کی۔ جس غے تحت ملک بھر غا 9 عشاریہ 7 کروڑ تیں متہ کساناں غا کھاتا ما نہ براہ راست 20 ہزار 5 سو کروڑ روپیہ کھلیا گیا۔ اُنہاں نے وارانسی ما نہ 2 ہزار 2 سو کروڑ روپیہ غا ترقیاتی منصوباں غو سنگ بنیاد رکھیوتے کجھ غو افتتاح وی کیو۔ عوام تیں خطاب کرتاواں وزیراعظم مودی نے بیج تیں بازار توڑی کساناں غی مکمل حمایت غو اعدادو کیو۔ اُنہاں نے کہیوکہ گزشتہ دہائی ما نہ حکومت نے کساناں غا تمام مسائل نا نہ حل کرن واسطے پوری Byte طاقت تیں کم کیوہے۔ اُنہاں نے مزید اس طرح کہیو۔

انگا، جموں کشمیر ما نہ 8 لکھ 80 ہزار کساناں نا نہ پردھان منتری کسان سمان ندھی غی 20 ویں قسط غے تحت 1 سو چوراسی کروڑ روپیہ موصول ہواہیں۔ زرعی پیداوار غاوزیرجاوید ڈار نے سکاسٹ کشمیر ما نہ منعقدہ اس قومی پروگرام ما نہ براہ راست شرکت کی۔

CHINAR BOOK FESTIVAL

مرکزی وزیر تعلیم دھرمیندر پردھان نے اج سرینگر ما نہ نیشنل بُک ٹرسٹ آف انڈیا غا زیر اہتمام منعقدہ چنار کتاب میلہ غو افتتاح کیو۔ اس موقع ور اُنہاں نے جموں کشمیر غی علاقائی زبانان غا ادب نا نہ فروغ دین واسطے اس کتابی میلہ غی تعریف کی۔ اس موقع ور گل کرتاں Byte واں اُنہاں نے اس طرح کہیو۔

لیفٹیننٹ گورنر منوج سنہاوی میلہ ما نہ موجود تھا۔ اُنہاں نے کہیوکہ یوہ میلو قارئین نا نہ نوا خیالات تے نقطہ نظر تیں روشناس کران غو ایک موقعو ہے۔ اُنہاں نے مزید کہیوکہ نوی نسل

نانہ یوہ جاننو ضروری ہے کہ مہاری تہذیب نہ صرف اقتصادی طور پر خوشحال تھی، بلکہ Byte دنیا بھر مانہ ادب، سائنس تے روحانیت غو مرکز تھی۔ انہاں نے مزید اس طرح کہیو۔

AMARNATH YATRA SUSPENDED

حال ہی مانہ ہونی شدید بارش غے باعث شری امرناتھ جی یاترا غا دوئے رستہ، بالتال تے پہلگام غی پری صورتحال تے مرمت غا کم غی وجہ تیں یاترا ناں عارضی طور پر بند کیو گیوے۔ تان جے یاتریاں غی حفاظت نانہ یقینی بنایو جاسکے۔ کشمیر غا ڈویژنل کمشنر وجے کمار بدھوری نے دسیو کہ حالیہ شدید بارشاں غی وجہ تیں بالتال تے پہلگام غا رستاں ور مرمت تے بحالی غواہ کم جاری ہے۔ پلکیں تیں دوئے رستہ ور لوک تے مشینری مرمت غا کم مانہ لگ جیں غی اس واسطے یاترا نانہ روکیو گیوے۔ تے 3 اگست نانہ دوئے رستہ ور پاترہ معطل رہے گی۔ اس سال بن توڑی 4 لکھ 10 ہزار تیں زیادہ یاتریاں نے شری امرناتھ جی گپھا غا درشن کیاہیں۔

J&K LANDSLIDE

ریاسی ضلع مانہ ایک افسوس ناک واقعہ پیش آجوس مانہ سب ڈویژنل مجسٹریٹ تے اُن غابیٹا غی موت واقع ہوئی ہے جدکہ اُن غی بیوی سمیت 2 دیگر افراد زخمی ہواہیں۔ پولیس غے مطابق، یوہ واقعہ گزشتہ رات، سلیکھ اختر نالہ علاقہ مانہ پیش آجود ایس ڈی ایم راجندر سنگھ رانا اپنا آبائی گراں پٹیاں، دھرماتری تیں واپس جارہیا تھا۔ زخمیاں نانہ ریاسی غاضل اسپتال مانہ پرتھی کرایو گیوے۔ جت اُن غو علاج جاری ہے۔ لیفٹیننٹ گورنر منوج سنہاتے سابق وزیر اعلیٰ عمر عبداللہ نے ایس ڈی ایم تے اُن غابیٹا غی موت ور گہرہ دکھ غواظہار کیوے۔ تے اُن غا اہل خانہ تیں تعزیت کی تے زخمیاں غی جلد صحت یابی واسطے دُعا کی۔

J&K ENCOUNTER

حفاظتی دستاں نے ضلع کلگام گا اکھل دیوسر علاقہ مانہ جھڑپ غے دوران 2 دہشت گرداں نانہ ہلاک کردتو۔ پولیس ذرائع غے مطابق یاہ مشترکہ کارروائی فوج، جموں و کشمیر تے سی آر پی ایف نے مخصوص اطلاع ملن ور شروع کی۔ ایک اعلیٰ پولیس افسر نے دسیو کہ دہشت گرداں غے نال رابطو گزشتہ شام قائم ہوئے ایک دہشت گرد نانہ دیر رات ہلاک کیو گیو۔ اندھیرا غی وجہ تیں آپریشن عارضی طور پر روک دتو گیو تھا، جہیڑو اج سویرے دوبارہ تیں شروع کیو گیو۔ جھڑپ غے دوران اج ایک ہور دہشت گرد مار دتو گیو تے علاقہ مانہ تلاشی کارروائی اجیں جاری ہے۔

J&K RURAL ROADS

جموں و کشمیر نے پردھان منتری گرام سڑک یوجنا۔ 3 غے تحت دیہی علاقان مانہ سڑک رابطاں مانہ نمایاں کامیابی حاصل کی۔ 28 جولائی 2025 توڑی 169 سڑک تے 15 پُل مکمل کیا جا چکاہیں۔ راجیہ سبھا مانہ پیش کیا گیا اعداد و شمار غے مطابق مجموعی طور پر 223 سڑک تے 66 پُل منظور کیا گیا تھا جن وچوں مکمل شدہ سڑک 1 ہزار 4 سو 65 کلومیٹر تیں زیادہ لمی ہیں۔ اس منصوبہ غی کل لاگت 17 سو 52 کروڑ روپیہ ہے۔ جن وچوں 15 سو 80

کروڑ روپیہ خرچ ہواہیں۔ اس اسکیم غومقصد لوکاں نانہ بازار، تعلیم تے صحت غی سہولیات توڑی بہتر سانی دینویے۔ باقی تمام کم، مارچ 2026 توڑی مکمل ہون غی امیدہے۔

EXPRESS WAY COMPENSATION

وجہ پور مانہ ایک معاوضہ تقسیم کیمپ گو انعقاد کیو گیو جہیرو ڈپٹی کمشنر سانہ راجیش شرما غی نگرانی مانہ ہوویہ معاوضہ دہلی کٹڑہ ایکسپریس وے غی تعمیر واسطے حاصل کی گئی زمین تے ٹہانچاں گا سلسلہ مانہ دتا گیا کیمپ غے دوران تقریباً ترے کروڑ 17 لکھ روپیاں غی رقم 29 مستفیدان مانہ تقسیم کی گئی ڈپٹی کمشنر نے موقعور ہی زمین مالکاں تے مقامی لوکاں غی شکایات وی سنیں اس موقع ور بڑی تعداد مانہ مقامی لوکاں غی موجودگی دیکھی گئی۔

⦿Aakanksha Haat Katra

مقامی صنعت وثقافت نانہ فروغ دین واسطے کٹڑا مانہ ”اکانکشا ہاٹ“ غا ناں تیں اک ہفتہ توڑی جاری رہن آلی نمائش روحانی ترقی غا مرکز مانہ منعقدکی جارہی ہے۔ جس غو افتتاح رکن پارلیمان جگل کشورشما نے ووکل فارلوکل مہم غے تحت کیو۔ اس میلہ مانہ خودامدادی گروپاں تے اُمنگ آلاعلاقاں غاہنرمند کاریگراں غی روایتی دستکاری، نامیاتی اشیاء تے ہتھ تیں بنی مصنوعات نمائش واسطے رکھی گئی ہیں۔ شری ماتا ویشنو دیوی غایاتریاں سمیت کئی زائرین براہ راست ات نمائش دیکھ رہیاہیں۔ تے ثقافتی پروگرام غو لطف چارہیاہیں۔ حکام غو کہنویے کہ یوہ میلو مقامی معیشت نانہ فروغ دین واسطے تے ورثہ نانہ محفوظ رکھن واسطے اہم کردار ادا کرے۔ اس موقع ور گل کرتاں واں ایم پی جگل کشورشما نے اس طرح کہیو۔

Byte اسی دوران مقامی ہنرمنداں نے وی اپنا خیالات غواظہار کیو۔

URS

ضلع راجوری گامہرگلی کوٹ رنکا علاقہ ماحضرت سانیں بابا لال دین عرف سانیں مندریاں آلاگی درگاہ ورسالانہ عرس 3 تے 4 اگست مطابق 19-20 ساون۔ اتار تے سوموار آلے تیہاڑے منعقدوے گو۔ عرس گامہتمم تے درگاہ گاسجادہ نشین الحاج محمد شفیع نے لوکاں تیں اپیل کی ہے جے وے عرس ماحشرکت کریں تے سید المرسلین کانفرنس گووی حصوبنیں۔ عرس ماعلماء کرام گاخطابات، دعائے لنگر شریف گواہتمام کیوگیوے۔ عرس کی اختتامی دعاسوموار نا سویرے 11 بجے وے گی۔

MISSION YUVA

نوجوانان نانہ باختیار بنان تے کاروبار واسطے تیار کرن غی سمت مانہ ضلع پونچھ مانہ اج نوجوانان غی صلاحیتاں نانہ نکھارن واسطے کیپسٹی بلڈنگ میلہ کم ورکشاپ غوانعقاد کیوگیو۔ جہیرو مشن یووا غے تحت ہووے جس مانہ طلباء، تربیت حاصل کرن آلاتے ابھرتا کاروباری افراد نے بڑی تعداد مانہ شرکت کی۔ ایڈیشنل ضلع ترقیاتی کمشنر پونچھ پنکج مگوترا نے اس تقریب غو افتتاح مہمان خصوصی غاظور ورکیو۔ اس موقع ور کامیاب کاروباری افراد نے اپنی متاثرکن کامیابیاں غی کہانی سانجہ کیں۔ ڈپٹی ڈائریکٹر برائے Byte روزگار عبدالمجید تانترے نے مشن یووا غی اہمیت ور روشنی کہلتاں واں اس طرح کہیو۔
